

四庫全書

集部

欽定四庫全書

集部

石倉歷代詩選卷二十四

詳校官庶吉士臣范逢恩

侍讀臣孫球覆勘

總校官進士臣朱鈺

校對官編修臣盛惇崇

謄錄監生臣張恒

欽定四庫全書

石倉歷代詩選卷二十四

明 曹學佺 編

初唐十一

沈佺期

字雲卿  
內黃人

有所思

君子事行役再空芳歲期美人曠延佇  
萬里浮雲思園  
槿綻紅艷郊桑柔綠滋坐看長夏晚  
秋月照羅幃

臨高臺

高臺臨廣陌車馬紛相續回首思舊鄉雲山亂心曲遠  
望河流緩周看原野綠向夕林鳥還憂來飛景促

古別離

白水東悠悠中有西行舟舟行有返櫂水去無還流奈  
何生別者戚戚懷遠遊遠遊誰當惜所悲會難收自君  
聞芳躡青陽四五適皓月掩蘭室光風虛蕙樓相思無  
明晦長歎累春秋離居久遲暮高駕何淹留

和杜麟臺元志春情

嘉樹滿中園氛氳羅秀色不見仙山雲倚琴空太息沈  
思若在夢緘怨似無憶青春坐南移白日忽西匿蛾眉  
返青鏡閨中不相識

送友人任括州

青春浩無際白日乃遲遲胡為賞心客歎邁此芳時甌  
粵迫茲守京闕從此辭茫茫理雲帆草草念行期紛吾  
結遠佩悵餞出河湄太息東流水盈觴難再持

餞遠

任子徇遐祿結友開舊襟  
酌輟行歎指途勤遠心秋  
晶澄回壑霽色肅明林  
曖然清軒暮浩思非所任

自昌樂郡泝流至白石嶺下行入郴州

茲山界夷夏天險橫寥廓  
太史漏登探文命限開鑿  
北流自南瀉羣峰迴衆壑  
馳波如電騰激石似雷落  
崖留盤古樹澗蓄神農藥  
乳竇何淋漓苔蘚更彩錯  
娟娟潭裏虹渺渺灘邊鶴  
歲杪應流火天高雲霧薄  
金風吹綠

梢玉露洗紅箨泝舟始興解登踐桂陽郭匍匐緣脩坂  
穹窿曳長絳礙林阻往來過堰每前却救難不遑飯畢  
昏無暇泊濯谿寧足懼磴道誰云惡我行湍險多山水  
皆不若安能獨見聞書此貽京洛

過蜀龍門

龍門非禹鑿詭怪乃天功西南出巴峽不與衆山同長  
竇亘五里宛轉復嵌空伏湍煦潛石瀑水生輪風流水  
無晝夜噴薄龍門中潭河勢不測藻葩垂彩虹我行當

季月煙景共春融江關勤亦甚嶮嶮意難窮誓將息機  
事煉藥此山東

鳳簫曲

八月涼風動高閣千金麗人捲綃幕已憐池上歇芳菲  
不念君思坐搖落世上榮華如轉蓬朝隨阡陌暮雲中  
飛燕侍寢昭陽殿班姬飲恨長信宮長信宮昭陽殿春  
來歌舞妾自知秋至榮華君不見昔時羸女厭世氛學  
吹鳳簫乘彩雲含情轉睞向蕭史千載紅顏持贈君



古歌

落葉流風向玉臺  
夜寒秋思洞房開  
水晶簾外金波下  
雲母窗前銀漢迴  
玉階陰陰苔蘚色  
君王履綦難再得  
璇閨窈窕秋夜長  
繡戶徘徊月光燕  
姬綵帳芙蓉色  
秦女金鑪蘭麝香  
北斗七星橫夜半  
清歌一曲斷君腸

七夕曝衣篇

君不見昔日宜春太液邊  
披香畫閣與天連  
燈火灼爍九微映  
香氣氤氳百和然  
此夜星繁河正白  
人傳織女

牽牛客宮中擾擾曝衣樓天上娥娥紅粉席曝衣何許  
曠半黃宮中綵女提玉箱珠履奔騰上蘭砌金閨宛轉  
出梅梁絳河裏碧煙上雙花伏兔畫屏風四子盤龍擎  
斗帳舒羅散縠雲霧開綴玉垂珠星漢迴朝霞散彩羞  
衣架晚月分光劣鏡臺上有僊人長命絡中看玉女迎  
歡繡璫瑁筵中別作春珊瑚窓裏翻成畫椒房金屋寵  
新流意氣嬌奢不自由漢文宜惜露臺費晉武須焚前  
殿裘

入少密谿

雲峰苔壁透谿斜  
江路香風夾岼花  
樹密不言通鳥道  
鷄鳴始覺有人家  
人家更在深巖口  
澗水周流宅前後  
遊魚瞥瞥雙釣童  
伐木丁丁一樵叟  
自言避喧非避秦  
薜衣耕鑿帝堯人  
相留且待雞黍熟  
夕卧深山蘿月春

立春日內出剪綵花應制

合殿春應早開箱  
綵預知花迎宸翰發  
葉待御筵披梅  
訝香全少桃驚色  
頓移輕生承剪拂  
長伴萬年枝

晦日澹水應制

素澹接宸居青門盛祓除  
摘蘭喧鳳野浮棗溢龍渠  
苑蝶飛殊嬾宮鶯轉不踈  
星移天上入歌舞向儲胥

三日梨園侍宴

九重馳道出三巳  
禊堂開畫鷁中流動青龍  
上苑來野花飄御座  
河柳拂天杯日晚迎祥處  
笙鏞下帝臺

幸梨園亭觀打毬應制

今春芳苑遊接武上瓊樓  
宛轉縈香騎飄颻拂畫毬  
俯

身迎未落迴纒逐傍流祗為看花鳥時時誤失籌

仙萼亭初成侍宴應制

山中氣色和宸賞第中過輦路披仙掌帷宮拂帝蘿泉  
臨香澗落峰入翠雲多無異登玄圃東南望白河

幸白鹿觀應制

紫鳳真人府斑龍太上家天流芝蓋下山轉桂旗斜聖  
藻垂寒露仙杯落晚霞惟應問王母桃作幾時花

銅雀臺

昔年分鼎地今日望陵臺一旦雄圖盡千秋遺令開綺  
羅君不見歌舞妾空來恩共漳河水東流無重回

長門怨

月皎風泠泠長門次掖庭玉階聞墜葉羅幌見飛螢清  
露凝珠綴流塵下翠屏妾心君未察愁歎劇繁星

巫山高

神女向高唐巫山下夕陽襄徧作行雨婉孌逐荆王電  
影江前落雷聲峽外長霽雲無處所臺館曉蒼蒼

隴頭水

隴山飛落葉隴燕度寒天愁見三秋水分為兩地泉西  
流入羌郡東下向秦川征客重回首肝腸空自憐

關山月

漢月生遼海曠曠出半暉合昏玄菟郡中夜白登圍暈  
落關山迴光含霜霰微將軍聽曉角戰馬欲南歸

折楊柳

玉牕朝日映羅帳春風吹拭淚攀楊柳長條踈地垂白

花飛歷亂黃鳥度參差妾自肝腸斷傍人那得知

梅花落

鐵騎幾時迴金閨怨早梅雪花已落風暖葉應開夕  
逐新春管香迎小歲杯盛時何足貴書裏報輪臺

紫騮馬

青玉紫騮鞍驕多影屢盤荷君能剪拂蹀躞噴桑乾  
足追奔易長鳴遇賞難捩金一萬里霜露不辭寒

被試出塞



十年通大漠萬里出長平寒日生戈劔陰雲拂旆旌飢  
烏啼舊壘疲馬戀空城辛苦臯蘭北胡塵損漢兵

雜詩四首

鐵馬三軍去金閨二月還邊愁離上國春夢失陽關池  
水瑠璃淨園花玳瑁斑歲華空自擲愁怨不勝顏

落葉驚秋婦高砧促暝機蜘蛛尋月度螢火傍人飛清  
鏡紅埃入孤燈綠焰微怨啼能至曉獨自懶縫衣

妾家臨渭北春夢著遼西何苦朝鮮郡年年事鼓鼙燕

來紅壁語鶯向綠窗啼為許長相憶闌干玉筋齊  
聞道黃龍戍頻年不解兵可憐閨裏月長在漢家營少  
婦今春意良人昨夜情誰能將旗鼓一為取龍城

剪綵

宮女憐芳樹裁花競早榮寒依刀尺盡春向綺羅生弱  
蒂盤絲發香麩結素成纖枝幸不棄長就玉階傾

洛州蕭司兵謁允還赴洛成禮

棠棣日光輝高襟應序歸來成鴻雁聚去作鳳凰飛細

草承輕傳驚花慘別衣灞亭春有酒岐路惜芳菲

餞高唐州詢

弱冠相知早中年不見多生涯在王事容鬢各蹉跎良  
守初分岳嘉聲即潤河還從漢闕下傾耳聽中和

樂城白鶴寺

碧海開龍藏青雲起雁堂潮聲迎法鼓雨氣濕天香樹  
接前山暗谿承瀑水涼無言誦居遠清淨得空王

遊少林寺

長歌遊寶地徙倚對珠林  
雁塔風霜古龍池歲月深  
紺園澄夕霽碧殿下秋陰  
歸路烟霞晚山蟬處處吟

嶽館

洞壑仙人館孤峰玉女臺  
空濛朝氣合窈窕夕陽開  
流澗含輕雨虛巖應薄雷  
正逢鸞與鶴歌舞出天來

早發平昌島

解纜春風後鳴榔曉漲前  
陽鳥出海樹雲雁下江烟積  
氣衝長島浮光溢大川  
不能懷魏闕心賞獨泠然

夜宿七盤嶺

獨遊千里外高卧七盤西山月臨牀近天河入戶低芳  
春平仲綠青夜子規啼浮客空留聽褒城聞曙雞

驪州風土不作寒食

嶺外無寒食春來不見錫洛中新甲子何日是清明花  
柳爭朝發軒車滿路迎帝鄉遙可念腸斷報親情

驪州南亭夜望

昨夜南亭望分明夢洛中室家誰道別兒女案嘗同忽

覺猶言是沈思始悟空肝腸餘幾寸拭淚坐春風

奉和立春遊苑迎春

東郊暫轉迎春仗上苑初飛行慶杯風射蛟冰千片斷  
氣衝魚鑰九關開林中覓草纔生蕙殿裏爭花併是梅  
歌吹銜恩歸路晚棲烏半下鳳城來

奉和春初幸太平公主南莊應制

主家山第早春歸御輦春遊繞翠微買地鋪金曾作埒  
尋河取石舊支機雲間樹色千花滿竹裏泉聲百道飛

自有神仙鳴鳳曲，併將歌舞報恩暉。

奉和春日幸望春宮應制

芳郊綠野散春晴，複道離宮烟霧生。  
楊柳千條花欲綻，蒲萄百丈蔓初縈。  
林香酒氣元相入，鳥嘯歌聲各自成。  
定是風光牽宿醉，來晨復得幸昆明。

侍宴安樂公主新宅應制

皇家貴主好神仙，別業初開雲漢邊。  
山出盡如鳴鳳嶺，池成不讓飲龍川。  
妝樓翠幌教春住，舞閣金鋪借日懸。

敬從乘輿來此地稱觴獻壽樂鈞天

興慶池侍宴應制

碧水澄潭映遠空紫雲香駕御微風漢家城闕疑天上  
秦地山川似鏡中向浦迴舟萍已綠分林蔽殿槿初紅  
古來徒羨橫汾賞今日宸遊聖藻雄

紅樓院應制

紅樓疑見白毫光寺逼宸居福盛唐支遁愛山情謾切  
曇摩泛海路空長經聲夜息聞天語鑪氣晨飄接御香



誰謂此中難可到自憐深院得徊翔

古意呈補闕喬知之

盧家少婦鬱金堂  
海燕雙棲玳瑁梁  
九月寒砧催木葉  
十年征戍憶遼陽  
白狼河北音書斷  
丹鳳城南秋夜長  
誰為含愁獨不見  
更教明月照流黃

遙同杜員外審言過嶺

天長地濶嶺頭分  
去國離家見白雲  
洛浦風光何所似  
崇山瘴癘不堪聞  
南浮漲海人何處  
北望衡陽雁幾羣

兩地江山萬餘里何時重謁聖明君

釣竿篇

朝日斂紅烟垂竿向綠川人疑天上坐魚似鏡中懸  
避櫂時驚透猜釣每誤牽湍危不理轄潭靜欲留船釣玉  
君徒尚徵金我未賢為看芳餌下貪得會無筌

同李舍人冬日集安樂公主山池

常聞天女貴家即帝宮連亭插宜春果山衝太液泉橋  
低烏鵲夜臺起鳳皇年故事猶如此新圖更可憐紫巖

妝閣透青嶂，妓樓懸峰奪。香鑪巧池偷，明鏡圓梅寒。  
待雪桂葉晚，留烟興盡方。投轄金聲還，復傳

酬蘇員外味道夏晚寓直省中見贈

並命登仙閣，分曹直禮闈。大官供宿膳，侍史護朝衣。  
卷幔天河入，開窗月露微。小池殘暑退，高樹早涼歸。  
冠劍無時釋，軒車待漏飛。明朝題漢柱，三署有光輝。

和韋舍人早朝

闔闔連雲起，巖廊拂霧開。玉珂龍影度，珠履雁行來。長

樂宵鐘盡明光曉奏催一經推舊德五字擢英才儼若  
神仙去紛從霄漢迴千春奉休歷分禁喜趨陪

九真山淨居寺謁無礙上人

大士生天竺分身化日南人中出煩惱山下即伽藍小  
澗香為刹危峰石作龕候禪青鶴乳窺講白猿參藤愛  
雲間壁花憐石下潭泉行幽供好林挂浴衣堪弟子哀  
無識醫王惜未談機疑聞不二蒙昧即朝三欲究因緣  
理聊寬放棄慙超然虎谿夕雙樹下虛嵐

夜遊

今夕重門啓遊春得夜芳月華連晝色燈影雜星光南  
陌青絲騎東隣紅粉妝管絃遙辨曲羅綺暗聞香人擁  
行歌路車攢鬪舞場經過猶未已鐘鼓出長楊

登瀛州南樓寄遠

層城起麗譙憑覽出重霄茲地多形勝中天宛寂寥四  
榮摩鶴鶴百拱厲風颭北際燕王館東連秦帝橋晴光  
七郡滿春色兩河遙傲睨非吾土躊躇適遠翼離居欲

有贈春草寄長謠

塞北

虜障天驕起秦城地脉分栢壇飛五將梅吹動三軍鋒  
奔濤色旌旗焰火文朔風吹汗漫飄灑賴輜輶海氣如  
秋雨邊烽似夏雲二庭無歲月百戰有功勲彤影隨魚  
貫音書在雁羣歸來拜天子凱樂助南薰

夏日梁王席送張岐州

秦雞常下雍周鳳昔鳴岐此地推雄撫惟良寄在斯家

傳七豹貴人擅八龍奇高傳生光彩長林歎別離天人  
開祖席朝宋候征麾翠帟當郊敞彤幘向野被茫茫秋  
麥盛苒苒夏條垂奏計何時入台階望羽儀

送盧管記僊客北伐

羽檄西北飛交城日夜圍廟堂盛徵選戎幕生光輝雁  
行度函谷馬首向金微湛湛山川暮蕭蕭涼氣稀餞途  
余憫默赴敵子英威今日楊朱淚無將灑鐵衣

入鬼門關

昔傳瘴江路今到鬼門關土地無人老流移幾客還自  
從別京洛頽鬢與衰顏夕宿舍沙裏晨行岡路間馬危  
千仞谷舟險萬重灣問我投何地西南盡百蠻

從驩州解移住山間水亭贈蘇使君

遇坎即乘流西南到火洲鬼門因苦夜瘴浦不宜秋歲  
貸胃穿老朝飛鼻飲頭死生離骨肉榮辱間朋遊棄置  
一身在平生萬事休鷹鷂遭誤逐豺虎怯真投憶昨京  
華子傷今邊地囚願陪鸚鵡樂希並鷓鴣留日月渝鄉



思烟花換客愁幸逢蘇伯玉回借水亭幽山栢張青蓋  
江蕉卷綠油乘閒無火宅因放有虛舟適越心當是居  
夷迹可求古來克禪舜何必罪驩兜

赦到不得歸題江上石

家住東京裏身投南海西風烟萬里隔朝夕幾行啼聖  
主謳歌洽賢臣法令齊忽聞銅柱使走馬報金雞棄市  
沾皇渥投荒漏紫泥魂疲山鶴路心醉站鳶谿天鑒誅  
元惡宸慈恤遠黎五方思寄办萬姓喜然臍自幼輸丹

懇何嘗玷白圭承言竄遐魁雪往間深狴墮無由謁  
京華豈重躋炎方誰謂廣地盡覺天低百卉雜殊怪昆  
蟲理賴吟閉藏元不蟄搖落反生萑瘴瘴因茲苦窮愁  
益復迷火雲蒸毒霧陽雨濯陰霓周乘安交趾王恭輯  
畫題少寬窮涸鮒猶愍觸藩羝配宅隣州解班苗接野  
畦山空聞鬪象江靜見遊犀翰墨思諸季裁縫憶老妻  
小兒應離祿幼女未攀笄夢蝶翻無定着龜詎有倪誰  
能竟此曲曲盡氣酸嘶

度安海入龍編

我來交趾郡南與貫胸連四氣分寒少三光置日偏尉  
佗曾馭國翁仲久遊泉邑屋遺氓在魚鹽舊產傳越人  
遙捧翟漢將下看鳶北斗崇山挂南風漲海牽別離頻  
破月容鬢驟催年昆弟推由命妻孥割付緣夢來魂尚  
擾愁委疾空纏虛道崩城淚明心不應天

從崇山向越當

并序

按九真圖崇山至越當四十里杉谷起古崇山竹

谿從道明國來于崇山北二十五里合水歌缺藤  
竹明昧有三十峰夾水直上千餘仞諸仙窟宅在

馬

朝發崇山下暮坐越當陰西從杉谷度北上竹谿深竹  
谿道明水杉谷古崇岑差池將不合繚繞復相尋桂葉  
藏金嶼藤花閉石林天窗虛的的雲竇下沈沈造化功  
偏厚真仙跡每臨豈徒探怪異聊欲緩歸心

哭道士劉無得

聞有玄都客成仙不易祈蓬萊向清淺桃杏欲芳菲縮  
地黃泉出昇天白日飛少微星夜落高掌露朝晞吐甲  
龍應出銜符鳥自飛國人思負局天子惜被衣花月留  
丹洞琴笙下翠微嗟來子桑扈爾獨返于幾

夜宴安樂公主宅

濯龍門外主家親鳴鳳樓中天上人自有金杯迎甲夜  
還將綺席代陽春

苑中遇雪應制

北闕彤雲掩曙霞  
東風吹雪舞山家  
瓊章定少千人和  
銀樹長芳六出花

印山

北印山上列墳塋  
萬古千秋對洛城  
城中日夕歌鐘起  
山上惟聞松柏聲

李义

本傳云  
趙州人

招諭有懷贈同行人

遠遊冒艱阻  
深入勞存諭  
春去辭國門  
秋還在邊戍  
軒

車行未返節序催難駐陌上悲轉蓬園中想芳樹蜀山  
自紛糾岷水恒介注臨泛多苦懷登攀寡歡趣永夕飛  
淫雨崇朝蒸毒霧不求綏嶺桃寧美邛鄉蒟白浪行欲  
靜驄馬何嘗驅願接輶旆塵聯翩東北騫

春日侍宴芙蓉園應制

水殿臨丹籞山樓繞翠微昔遊人託乘今幸帝垂衣澗  
篠綠峰合巖花逗浦飛朝來江曲地無處不光輝

奉和登驪山高頂寓目應制

崖巖萬尋懸居高敞御筵行戈疑駐日步輦若登天城  
闕霧中近關河雲外連謬陪登弁駕欣奉濟汾篇

奉和七夕兩儀殿會宴應制

桂宮明月夜蘭殿起秋風雲漢彌年阻星筵此夕同  
皎來疑有處旋去已成空睿作鈞天響魂飛在夢中

奉和春日遊苑喜雨應詔

僊蹕九成臺香筵萬壽杯一旬初降雨二月早聞雷  
葉向朝霽密花含宿潤開幸承天澤豫無使日光催



送沙門弘景道俊元奘還荊州應制

初日承歸旨秋風起贈言漢珠留道味江壁返真源地  
出南關遠天迴北斗尊寧知一柱觀却啓四禪門

次蘇州

洛渚問吳潮吳門想洛橋夕烟楊柳岍春水木蘭橈城  
邑南樓近星辰北斗遙無因生羽翼輕舉託還颺

高安公主挽歌

賓衛儼相依橫門啓曙扉靈陰蟾兔缺仙影鳳凰飛一

水秋難渡三泉夜不歸况臨青女節瑶草更前萎

奉和初春幸太平公主南莊應制

平陽館外有仙家沁水園中好物華地出東郊迴日御  
城臨南斗度雲車風泉韻繞幽林竹雨霰光搖雜樹花  
已慶時來千億壽還言日暮九重賒

侍宴安樂公主山莊應制

金輿玉輦背三條水閣山樓望九霄野外初迷七聖道  
河邊忽覩二靈橋懸冰滴滴依虬箭清吹泠泠雜鳳簫

回晚平陽歌舞合前谿更轉木蘭橈

奉和春日幸望春宮應制

東城結宇瞰千尋北闕迴輿具四臨麗日祥烟承罕單  
輕萋弱草藉衣簪秦商重沓雲巖近河渭縈紆霧壑深  
謬接鴻鴻陪賞樂還欣魚鳥遂飛沈

奉和韋嗣立山莊侍宴應制

台階好赤松別業對青峰茅室承三顧花源接九重  
旂縈秀木鳳輦拂疎筇徑狹千官擁谿長萬騎容水塘

開禹膳山閣獻堯鍾  
皇鑒清居遠天文睿  
獎濃巖泉他日夢  
漁釣往年逢共榮  
丞相府偏降逸人封

李適

字子至  
萬年人

答宋十一崖口五渡見贈

聞君訪遠山躋險造幽絕  
眇然青雲境觀竒彌年月  
登嶺亦沂谿孤舟事沿越  
崿嶂傳彩翠岬磴互歌缺  
石林上攢藂金澗下明滅  
捫壁窺丹井梯苔瞰乳穴  
忽枉巖中贈對翫未嘗輟  
殷勤獨往事委曲鍊藥說  
邀余名山

期從爾泛海蒞歲晏秉宿心斯言非徒設

遊禁苑幸臨渭亭遇雪應制

長樂喜春歸披香愛雪霏花從銀閣度絮繞玉窗飛寫  
曜銜天藻呈祥拂御衣上林紛可望無處不光輝

侍宴安樂公主莊應制

平陽金榜鳳凰樓沁水銀河鸚鵡洲綵仗遙臨丹壑裏  
仙輿暫幸綠亭幽前池錦石蓮花艷後嶺香鑪桂藥秋  
貴主稱觴萬年壽還輕漢武濟汾遊

侍宴安樂公主新宅應制

銀河半倚鳳皇臺  
玉酒相傳鸚鵡杯  
若見君平須借問  
仙槎一去幾時來

餞唐永昌赴任東都

聞道飛鳧向洛陽  
翩翩矯翮度文昌  
因聲寄意三花樹  
少室巖前幾過香

宋之問

字延清  
弘農人

初到陸渾山莊

授衣感窮節策馬凌伊關歸逸人趣日覺秋琴間寒  
露衰北阜夕陽破東山浩歌步榛樾棲鳥隨我還

送趙六貞回

目斷南浦雲心醉東郊柳怨別此何時青芳來已久與  
君共時物盡此盈樽酒始願今不從春風戀攜手

別之望後獨宿藍田山莊

鶴鴒有舊曲調苦不成歌自歎兄弟少常嗟離別多爾  
尋北京路予卧南山阿泉晚更幽咽雲秋尚差義藥欄

聽蟬噪書幌見禽過  
愁至願甘寢其如鄉夢何

雨從箕山來

雨從箕山來  
條與飄風度  
清明西峰日  
綠縹南谿樹  
此時客精廬  
幸蒙真僧顧  
深入清淨理  
妙斷往來趣  
意得兩契如  
言盡共忘  
喻觀花寂  
不動聞鳥懸  
可悟向夕聞  
天香淹留  
不能去

初至崖口

崖口衆山斷  
欽峯聳天壁  
氣衝落日紅  
影入春潭碧  
錦



績織苔蘚丹青畫松石水禽泛容與巖花飛的皜微路  
從此深我來恨于役惆悵情未已羣峰暗將夕

自湘源至潭州衡山縣

浮湘沿迅湍逗浦凝遠盼漸見江勢濶行嗟水流漫赤  
岍雜雲霞綠竹緣谿澗向背羣山轉應接良景晏沓嶂  
連夜猿平沙覆陽雁紛吾望闕容歸橈速已慣中道方  
泝洄遲念自茲撰賴欣衡陽美持以蠲憂患

入崖口五渡寄李適

抱琴登絕壑伐木泝清川路極意謂盡勢迴趣轉綿人  
遠草木秀山深雲景鮮余負海嶠情自昔微尚然彌曠  
十餘載今來宛仍前未窺仙源極獨進野人船時攀乳  
竇憩屢薄天窗眠夜絃響松月朝楫弄苔泉因冥象外  
理永謝區中綠碧潭可遺老丹砂堪學仙莫使馳光暮  
空令歸鶴憐

洞庭湖

地盡天水合朝及洞庭湖初日當中涌莫辨東西隅晶

耀目何在澹熒心欲無靈光晏海若游氣耿天吳張樂  
軒皇至征苗夏禹徂楚臣悲落葉堯女泣蒼梧野積九  
江潤山道五嶽圖風恬魚自躍雲夕雁相呼獨此臨泛  
漾浩將人代殊永言洗氛濁卒歲為清娛要使功成退  
徒勞越大夫

景龍四年春祠海

肅事祠春溟宵齋洗蒙慮雞鳴見日出鷺下鷺濤鷺地  
濶八荒近天迴百川澍筵端接空曲目外惟雰霧暖氣

物象來周遊晦明互致牲匪玄享裡滌期靈煦的的波  
際禽沄沄島間樹安期今何在方丈茂尋路仙事與世  
隔冥搜徒已屢

溫泉莊卧病寄楊七炯

多病卧茲嶺寥寥倦幽獨賴有嵩丘山高枕長在目茲  
山棲靈異朝夜翳雲族是日濛雨晴返景入巖谷幕幕  
澗畔草青青山下木此意方無窮環顧悵林麓伊洛何  
悠漫川原信重複夏餘鳥獸蕃秋末禾黍熟秉願守樊

圃歸閒欣藝牧惜無載酒人徒把涼泉掬

敬荅田徵君

家臨清谿水谿水繞盤石綠蘿四面垂裊裊百餘尺風  
泉度絲管苔蘚鋪茵席傳聞潁陽人霞外漱靈液忽枉  
巖中翰吟望朝復夕何當遂遠遊物色候逋客

自衡陽至韶州謁能禪師

謫居竄炎壑孤帆淼不繫別家萬里餘流目三春際猿  
啼山館曉虹飲江臯霽相岼竹泉幽衡峯石閣閉嶺嶂

窮攀越風濤極沿濟吾師在衡陽欣此得躬詣洗慮賓  
空寂焚香結精誓願以有漏軀聿薰無生慧

宿雲門寺

雲門若邪裏泛鷁路纔通  
黃緣綠篠岍遂得青蓮宮  
天香衆壑滿夜梵前山空  
漾漾潭際月颺颺杉上風  
茲馬多嘉遯數子今莫同  
鳳歸慨處士鹿化聞仙公  
樵路鄭州北舉井阿巖東  
永夜豈云寐曙華忽惹龍  
谷鳥嘯尚澁源桃驚未紅  
再來期春暮當造林端窮  
底幾蹤謝客

開山投剡中

春湖古意

院梅發向尺園鳥復成曲落日遊南湖果擲顏如玉舍  
情不得語轉盼知所屬惆悵未可歸寧關須采菖

遊陸渾南山自歇馬嶺到楓香林以詩代書答

李舍人適

晨登歇馬嶺遙望伏牛山孤出羣峰首熊羆元氣間太  
和亦崔嵬石扇橫閃條細岑互攢倚浮巘競奔感白雲

遙入懷青靄近可掬徒尋靈異跡周顧愜心目晨拂鳥  
路行暮投入烟宿稂稻遠彌秀粟芋秋新熟石髓非一  
巖藥苗乃萬族間關踏雲雨繚繞綠水木西見高山芝  
南到楚鄉竹楚竹幽且深半雜楓香林浩歌青潭曲寄  
爾桃源心

下桂江縣黎壁

放溜覲前漱連山分上千江回雲壁轉天小霧峰攢吼  
沫跳急浪合流環峻灘歌雜出漩剗繚繞避渦盤舟子



怯桂水最云斯路難吾生抱忠信吟嘯自安閒旦別已  
千歲夜愁勞萬端企予見夜月委曲破林巒潭曠竹烟  
盡洲香橘露團豈傲夙所好對之與俱歡思君罷琴酌  
泣此夜漫漫

奉使嵩山途經緱嶺

侵星發洛城城中歌吹聲畢景至緱嶺嶺上烟霞生草  
樹饒野意山川多古情大隱德所薄歸來可退耕

郡宅中齋

郡宅枕層嶺春湖繞芳甸雲霓出萬家卧覽皆已徧漁  
商汗成雨解邑明若練越俗鏡中行夏祠雲表見茲都  
信盤鬱英遠常棲眇王子事黃老獨樂恣游衍謝公念  
蒼生同憂感推薦靈越多秀士運濶無由面神理翳青  
山風流滿黃卷揆余謬承獎自昔從纓弁瑤水執仙羈  
金閨負時選晨趨博望苑夜直明光殿一朝罷臺閣萬  
里違鄉縣風土足慰心况悅年華變淮廩佇滋實沂歌  
非所羨訟寢歸四明齡頽親九轉微尚本江海少留豈

交戰惟餘後凋色竊比東南箭

寒食陸渾別業

洛陽城裏花如雪陸渾山中今始發  
旦別河橋楊柳風夕卧伊川桃李月  
伊川桃李正芳新寒食山中酒復春  
野老不知堯舜力酣歌一曲太平人

寒食江州滿塘驛

去年上巳洛橋邊今年寒食廬山曲  
遙憐鞏樹花應滿復見吳洲草新綠  
吳洲春草蘭杜芳感物思歸懷故鄉

驛騎明朝發何處猿聲今夜斷君腸

至端州驛見杜五審言沈三佺期閣五朝隱王

二無競題壁慨然成詠

逐臣北地承嚴譴謂到南中每相見豈意南中岐路多  
千山萬水分鄉縣雲搖雨散各翻飛海濶天長音信稀  
處處山川同瘴癘自憐能得幾人歸

明河篇

八月涼風天氣晶萬里無雲河漢明昏見南樓清且淺

曉落西山縱復橫，洛陽城闕天中起。  
長河夜夜千門裏，複道連甍共蔽虧。  
畫堂瓊戶特相宜，雲母帳前初汎濫。  
水精簾外轉逶迤，倬彼昭回如練白。  
復出東城接南陌，南陌征人去不歸。  
誰家今夜搗寒衣，鴛鴦機上疏螢度。  
烏鵲橋邊一雁飛，雁飛螢度愁難歇。  
坐見明河漸微沒，已能舒卷任浮雲。  
不惜光輝讓流月，明河可望不可親。  
願得乘槎一問津，更將織女支機石。  
還訪成都賣卜人。

初宿淮口

孤舟汴河水去國情無已晚泊投楚鄉明月清淮裏汴  
河東瀉路窮茲洛陽西顧日增悲夜聞楚歌思欲斷况  
值淮南水落時

桂州三月三日

代業京華裏遠投魑魅鄉登高望不極雲海四茫茫伊  
昔承休盼曾為人所羨兩朝賜顏色二紀陪遊宴昆明  
御宿侍龍媒伊闕天泉復幾迴西夏黃河水心劍東周  
清洛羽觴杯苑中落花掃還合河畔垂楊撥不開千春

獻壽多行樂，栢梁和歌攀。睿作賜金分，帛奉恩輝風。舉  
雲搖入紫微，晨趨北闕鳴珂。至夜出南宮，把燭歸載筆。  
樹林多歲月，襟被文昌佐。吳越越中山，海高且深興。來  
無處不登臨，永和九年刺海郡。暮春三月，醉山陰。愚謂  
嬉遊長似昔，不言流寓歎成今。始安繁華舊，風俗悵飲  
傾城拂江曲。主人絲管清，且悲客子肝腸斷。還續荔浦  
蘅臯萬里餘，洛陽音信絕能踈。故園今日應愁思，曲水何  
能更被除。作伴誰憐合浦葉，思歸豈食桂江魚。不求漢

使金囊贈願得佳人錦字書

奉和立春日侍宴內出剪綵花應制

金閣妝仙杏瓊筵弄綺梅人間都未識天上忽先開蝶  
繞香絲住蜂憐艷粉迴今年春色早應為剪刀催

春日芙蓉園應制

芙蓉秦地沼盧橘漢家園谷轉斜盤徑川迴曲抱原風  
來花自舞春入鳥能言侍宴瑤池夕歸途騎吹繁

夏日仙萼亭應制



高嶺逼星河乘輿此日過野舍時雨潤山雜夏雲多  
睿藻光巖穴宸襟洽薜蘿悠然小天下歸路滿笙歌

奉和九月九日登慈恩寺浮圖應制

鳳刹侵雲半虹旌倚日邊散花多寶塔張樂布金田  
時菊芳仙醞秋蘭動睿篇香街稍欲晚清蹕扈歸天

幸少林寺應制

紺宇橫天室迴鑿指帝休曙陰迎日盡春氣抱巖流  
空樂繁行漏香烟薄綵遊玉膏從此泛仙馭接浮丘

扈從登封途中作

帳殿鬱崔嵬仙遊實壯哉  
曉雲連幕捲夜火雜星回  
谷暗千旗出山鳴萬乘來  
扈從良可賦終乏拔天材

松山嶺

翼翼高旌轉鏘鏘鳳輦飛  
塵銷清蹕路雲濕從臣衣  
白羽搖丹壑天營逼翠微  
芳聲耀今古四海警宸威

緱山廟

王子賓仙去飄飄笙鶴飛  
徒聞滄海變不見白雲歸  
天

路何其遠人間此會稀  
空歌日云暮霜月漸微

奉和梁王宴龍泓應教

得微字

水府淪幽壑星軺下紫微  
鳥驚司僕馭花落侍臣衣  
芳樹搖春晚晴雲繞座飛  
淮王正留客不醉莫言歸

壽陽王花燭圖

仙媛乘龍日天孫捧雁來  
可憐桃李樹更繞鳳凰臺  
燭照香車入花臨寶扇開  
莫令銀箭曉為盡合歡杯

江南曲

妾住越城南離居不自堪採花驚曙鳥摘葉饒春蠶懶  
結茱萸帶愁安玳瑁簪待君消瘦盡日暮碧江潭

牛女

粉席秋期緩針樓別怨多奔龍爭渡月飛鵲亂填河失  
喜先臨鏡含羞未解羅誰能留夜色來夕倍還梭

冬夜寓直麟閣

直事披三省重關秘七門廣庭憐雪淨深屋喜爐溫月  
幌花虛馥風窗竹暗喧東山白雲意茲夕寄琴樽

登禪定寺閣

梵宇出三天登臨望八川  
開襟坐霄漢揮手拂雲烟  
函谷青山外昆明落日邊  
東京楊柳陌少別已經年

陸渾山莊

歸來物外情負杖閱巖耕  
源水看花入幽林採藥行  
野人相問姓山鳥自呼名  
去去獨吾樂無能愧此生

藍田山莊

宦遊非吏隱心事好幽偏  
考室先依地為農且用天  
朝

川朝伐木藍水暮澆田獨與秦山老相歡春酒前

春日山家

今日遊何處春泉洗藥歸悠然紫芝曲畫掩白雲扉魚  
躍偏尋藻人間屢採薇丘中無俗事身世兩相違

春日宴宋主簿山亭

得寒字

公主正邀歡林亭春未闌攀巖踐苔易迷路出花難窗  
覆垂楊暖階侵瀑水寒帝城歸路直留與接鷓鴣

秋晚遊普耀寺

薄暮曲江頭仁祠暫可留山形無隱霽野色徧呈秋花  
覆香泉密藤緣寶樹幽平生厭塵事過此忽悠悠

寄天台司馬道士

卧來生白髮覽鏡忽成絲遠媿餐霞子童顏且自持舊  
遊惜疎曠微尚日磷緇不寄西山藥何由東海期

使往天平軍馬約與陳子昂新鄉為期及還而  
不相遇

入衛期之子吁嗟不少留情人去何處淇水日悠悠恒

碣青雲斷衡漳白露秋知君心許國不是愛封侯

送田道士使蜀投龍

風馭忽冷然雲臺路幾千蜀門峯勢斷巴字水形連人  
隔壺中地龍遊洞裏天贈言迴馭日圖畫彼山川

送趙司馬赴蜀州

餞子西南望烟綿劍道微橋寒金雁落林曙碧雞飛職  
拜輿方遠仙成履會歸定知和氏璧遙掩玉輪輝

漢江宴別



漢廣不分天舟移杳若仙秋虹映晚日江鶴弄晴烟積  
水浮冠蓋遙風逐管絃嬉遊不可極留恨此山川

晚泊湘江

五嶺恓惶客三相顛顛顏况復秋雨霽表裏見衡山路  
逐鵬南轉心依雁北還惟餘望鄉淚便染竹成斑

過蠻洞

越嶺千重合蠻谿十里斜竹迷樵子徑萍匝釣人家林  
暗交楓葉園香覆橘花誰憐在荒外孤賞足雲霞

經梧州

南國無霜霰連年見物華青林暗換葉紅藥續開花春  
去聞山鳥秋來見海槎流芳雖可悅會自泣長沙

泛鏡湖南谿

乘興入幽棲舟行日向低巖花候冬發谷鳥作春啼杳  
嶂開天小叢篁夾路迷猶聞可憐處更在若耶溪

途中寒食

馬上逢寒食愁中屬暮春可憐江浦望不見洛陽人止

極懷明主南溟作逐臣故園腸斷處日夜柳條新

過韶州廣界寺

影殿臨丹壑香臺隱翠霞巢飛含象鳥砌蹋雨空花寶  
鐸搖初霽金池映晚沙莫愁歸路遠門外有三車

題大庾嶺北驛

陽月南飛雁傳聞此地迴我行殊未已何日復歸來江  
靜潮初落林昏瘴不開明朝望鄉處應見隴頭梅

度大庾嶺

度嶺方辭國停輶一望家魂隨南翥烏淚盡北枝花  
山雨初含霽江雲欲變霞但令歸有日不敢恨長沙

端州別袁侍郎

合浦途未極端溪行暫臨淚來空泣臉愁至不知心  
客醉山月靜猿啼江樹深明朝共分手之子愛千金

過史正議宅

舊交此零落雨泣訪遺塵劍几傳好事池臺傷故人  
國香蘭已歇里樹橘猶新不見吳中隱空餘江海濱

奉和春初幸太平公主南莊應制

青門路接鳳凰臺，素滻宸遊龍騎來。  
澗草自迎香輦合，巖花應侍御筵開。  
文移北斗成天象，酒遞南山作壽杯。  
此日侍臣將石去，共歡明主賜金迴。

嵩山石淙侍讌應制

得幽字

離宮秘苑勝瀛洲，別有仙人洞壑幽。  
巖邊樹色含風冷，石上泉聲帶雨秋。  
烏向歌筵來度曲，雲依帳殿結為樓。  
微臣昔忝方明御，今日還陪八駿遊。

和趙員外桂陽橋遇佳人

江雨朝飛浥細塵，陽橋花柳不勝春。  
金鞍白馬來從趙，玉面紅妝本姓秦。  
妬女猶憐鏡中髮，侍兒堪感路傍人。  
蕩舟為樂非吾事，自歎空閨夢寐頻。

奉和晦日幸昆明池應制

春豫靈池會，滄波帳殿開。  
舟凌石鯨度，槎拂斗牛迴。  
節晦奠全落，春遲柳暗催。  
象溟看浴景，燒劫辨沈灰。  
鎬飲周文樂，汾歌漢武才。  
不愁明月盡，自有夜珠來。

奉和幸大薦福寺

寺即中  
宗舊宅

香刹中天起宸遊滿路輝乘龍太子去駕象法王歸殿  
飾金人影窓搖玉女扉稍迷新草木遍識舊庭闈水入  
禪心定雲從寶思飛欲知皇劫遠初拂六銖衣

奉和幸三會寺應制

傳是倉頡  
造書臺

六飛迴玉輦雙樹謁金仙瑞鳥呈書字神龍吐浴泉淨  
心遙證果睿想獨超禪塔湧香花地山圍日月天梵音  
迎漏徹空樂倚雲懸今日登仁壽長看法鏡圓

薦福寺應制

梵筵光聖邸遊豫覽宏規不改靈光殿因開功德池蓮  
生新步葉桂長昔攀枝湧塔庭中見飛樓海上移聞韶  
三月幸觀象七星危欲識龍歸處朝朝雲氣隨

奉和幸神臯亭應制

清蹕喧黃道乘輿降紫宸霜戈凝曉日雲管發陽春臺  
古全疑漢林餘半識秦宴酣詩布澤節改令行仁昔恃  
山河險今依道德淳多慚獻嘉頌空累屬車塵



奉和幸韋嗣立山莊侍宴應制

樞掖調梅暇林園藝槿初入朝榮劍履退食偶琴書地  
隱東巖室天迴北斗車旌門臨窳窳輦路屬扶疎雲罕  
明丹壑霜筵徹紫虛水疑投石處谿似釣璜餘帝澤頌  
卮酒人歡頌里閭一承黃竹詠長奉白茅居

宴安樂公主宅

得空字

英藩築外館愛主出王宮賓至星槎落仙來月宇空玳  
梁翻賀燕金埒倚晴虹簫去秦臺裏書開魯壁中短歌

能駐日艷舞欲嬌風聞有淹留處山阿滿桂叢

春日鄭協律山亭陪宴餞鄭卿

同用樓字

潘園枕郊郭愛客坐相求尊酒東城外驂馱南陌頭池  
平分洛水林缺見嵩丘暗竹侵山徑垂楊拂妓樓彩雲  
歌處斷遲日舞前留此地何年別蘭房空自幽

使過襄陽登鳳林寺閣

香閣臨清漢丹梯隱翠微林篁天際密人世谷中違苔  
石銜仙洞蓮舟泊釣磯山雲浮棟起江雨入庭飛信美

雖南國巖程限北歸幽尋不可再留步惜芳菲

宋公宅送甯諫議

宋公爰創宅庾氏更誅茅間出人三秀平臨楚四郊漢  
臣來絳節荆牧動金鏡樽溢宜城酒笙裁曲沃匏露荷  
新變節風柳夕鳴梢一散陽臺雨方隨越鳥巢

送楊六望赴金水

借問梁山道嶽峯幾萬重遙州刀作路絕壁劍為峰惜  
別路窮此留歡意不從憂來生白髮時晚愛青松勿以

西南遠夷歌寢盛容台階有高位寧復久臨邛

下桂江龍目灘

停午出灘險輕舟容易前峰攢入雲樹崖噴落江泉巨  
石潛山怪深篁隱洞仙鳥遊谿寂寂猿嘯嶺娟娟揮袂  
日凡幾我行途已千暝投蒼梧郡愁枕白雲眠

始安秋日

桂林風景異秋似洛陽春晚霽江天好分明愁殺人卷  
雲山穢穢碎石水磷磷世業事黃老妙年孤隱淪歸歎

卧滄海何物貴吾身

登粵王臺

江上粵王臺登高望幾回南溟天外合北戶日邊開地  
濕烟常起山晴雨半來冬花採盧橘夏果摘楊梅跡類  
虞翻枉人非賈誼才歸心不可見白髮重相催

早發始興江口至虛氏村作

候曉踰閩嶠乘春望越臺宿雲鵬際落殘月蚌中開辟  
荔搖青氣枕榔翳碧苔桂香多露裛石響細泉回抱葉

玄猿嘯銜花翡翠來南中雖可悅  
北思日悠哉鬢髮俄成素丹心已作灰  
何當首歸路行剪故園萊

發藤州

朝夕苦遄征孤鴻長自驚泛舟依雁渚  
投館聽猿鳴石髮綠谿蔓林衣掃地輕  
雲峰刻不似苔蘚畫難成露裊千花氣  
泉和萬籟聲攀幽紅處歇躋險綠中行  
戀切芝蘭砌悲纏松栢塋丹心江址死  
白髮嶺南生魑魅天邊國窮愁海上城  
勞歌意無限今日為誰明

遊稱心寺

釋事懷三隱清襟謁四禪江鳴潮未落林曉日初懸寶  
葉交香雨金沙吐細泉望諧舟客趣思發海人烟顧櫪  
仍留馬乘杯久棄船未憂龜負岳且識鳥耘田理契都  
無象心冥不寄筌安期庶可揖天地得齊年

遊禹穴迴出若邪

禹穴今朝到邪溪此路通著書聞太史鍊藥有仙翁鶴  
往籠猶掛龍飛劍已空石帆搖海上天鏡落湖中水底

寒雲白山邊  
墜葉紅歸舟  
何處晚日暮  
使樵風

靈隱寺

鷲嶺鬱岩堯龍宮鎖寂寥樓觀滄海日門對浙江潮  
桂子月中落天香雲外飄捫蘿登塔遠剝木取泉遙  
霜薄花更發冰輕葉互凋夙齡尚遐異搜對滌煩囂  
待入天台路看余度石橋

遊雲門寺

維舟探靜域作禮事尊經  
投跡一蕭散為心自杳冥  
龕



依大禹穴樓倚少微星  
沓嶂圍蘭若迴谿抱竹庭  
覺花塗砌白甘露洗山青  
雁塔騫金地虹橋轉翠屏  
人天宵現景神鬼晝潛形  
理勝常虛寂緣空自感靈  
入禪從鶴繞說法有龍聽  
劫累終期滅塵躬且未寧  
搖搖不安寐待月詠巖扃

早發韶州

炎徼行應盡迴瞻鄉路遙  
珠厓天外郡銅柱海南標  
日夜清明少春冬霧雨饒  
身經大火熱顏入瘴江消  
觸影

含沙怒逢人女草搖露濃看莽濕風颺覺船飄直禦魑  
將魁寧論鴟與鴞虞翻思報國許靖願歸朝綠樹秦京  
道青雲洛水橋故園長在目魂去不須招

早入清遠峽

傳聞峽山好旭日棹前沂雨色搖丹嶂泉聲聒翠微兩  
崖天作帶萬壑樹披衣秋菊迎霜序春藤礙日輝翳潭  
花似織緣嶺竹成圍寂歷環沙浦葱蘢轉石圻露餘江  
未熟風落嶂初稀猿飲排虛上禽驚掠水飛榜童夷唱

合樵女越吟歸良候斯為美邊愁自有違誰言望鄉國  
流涕失芳菲

發端州初入西江

問我將向去清晨沂越谿翠微懸宿雨丹壑飲晴霓樹  
影梢雲密藤陰覆水低潮回出浦駛洲轉望鄉迷人意  
長懷北江行日向西破顏看鵲喜拭淚聽猿啼骨肉初  
分愛親朋忽解攜路遙魂欲斷身辱理能齊疇日三山  
意于茲萬緒睽金陵有仙館即事尋丹梯

渡漢江

嶺外音書斷，經冬復歷春。  
近鄉情更怯，不敢問來人。

嵩山夜還

家住嵩山下，好采舊山薇。  
自省遊泉石，何曾不夜歸。

答田徵君

出遊杳何處，遲回伊洛間。  
歸寢忽成夢，宛在嵩丘山。

傷曹娘二首

鳳飛樓伎絕，鸞死鏡臺空。  
獨憐脂粉氣，猶著舞衣中。

河伯憐嬌態，馮夷要姝妓。寄言遊戲人，莫弄黃河水。

送杜審言二首

卧病人事絕，聞君萬里行。河橋不相送，江樹遠含情。  
別路追孫楚，維舟吊屈平。可惜龍泉劍，流落在豐城。

苑中遇雪應制

紫禁仙輿詰旦來，青旂遙倚望春臺。不知庭霰今朝落，  
疑是林花昨夜開。

送司馬道士遊天台

欽定四庫全書

石倉歷代詩選  
卷二十四

吳

羽客笙歌此地違，離筵數處白雲飛。蓬萊闕下長相憶，  
桐栢山頭去不歸。

登逍遙樓

逍遙樓上望鄉關，綠水泓澄雲霧間。北去衡陽二千里，  
無因雁足繫書還。

欽定四庫全書

集部

石倉歷代詩選卷二十七

詳校官庶吉士臣范逢恩

侍讀臣孫球覆勘

總校官進士臣朱鈺

校對官編修臣盧燧

謄錄監生臣蕭文鈺

欽定四庫全書

石倉歷代詩選卷二十五

明 曹學佺 編

初唐十二

崔湜

字澄瀾  
定州人

塞垣行

疾風卷溟海萬里揚砂礫  
仰望不見天昏昏竟朝夕  
是時軍兩進東拒復西敵  
蔽山張旗鼓間道潛鋒鏑  
精騎

突曉圍竒兵襲暗壁十月邊塞寒四山霧陰積雨雪雁  
南飛風塵景西迫昔我事討論未嘗息經籍一朝棄筆  
硯十年操矛戟豈要黃河誓須勒燕然石可嗟牧羊臣  
海上久為客

冀北春望

迴首覽燕趙春生兩河間曠然萬里餘際海不見山雨  
歇青林潤烟空綠野閒問鄉何處所目送白雲還

大漠行



單于犯薊堞，驃騎畧蕭邊。南山木葉飛下地，北海蓬根  
亂上天。科斗連營，太原道魚麗。合陣武威川，三軍遙倚  
伏。萬里相馳逐，旌旆悠悠靜。瀚源鞞鼓喧，喧動盧谷窮。  
微出幽陵吁，嗟倦寢興。馬蹄凍溜石，胡毳煖生冰。雲沙  
決漭天，光閉河塞陰。沈海色凝崆峒，異國誰能託。蕭索  
邊心常不樂，近見行人畏白龍。遙聞公主愁黃鶴，陽春  
半岐路間。瑤臺苑玉門關，百花芳樹紅。將歇二月蘭，臯  
綠未還陣。雲不散魚龍，水雨雪猶飛。鴻雁山嶂連綿

不可極路遠辛勤夢顏色北堂萱草不寄來東園桃李  
長相憶漢將紛紛攻戰盈胡寇蕭條幽朔清韓君拜節  
偏知遠鄭吉驅旌坐見迎火絕烟沈右西極谷靜山空  
左北平但使將軍能百戰不須天子築長城

奉和登驪山高頂寓目應制

名山何壯哉玄覽一徘徊御路穿林轉旌門倚石開烟  
霞肘後發河塞掌中來不學蓬壺遠經年猶未迴

侍宴長寧公主東莊應制

沁園東郭外鸞駕一遊盤  
水榭宜時陟山樓向晚看席  
臨天女貴杯接近臣歡  
聖藻懸宸象微臣竊仰觀

幸白鹿觀應制

御旗探紫籙仙仗闢丹丘  
捧藥芝童下焚香桂女留鸞  
歌無歲月鶴語記春秋  
臣朔真何幸常陪漢武遊

幸梨園亭觀打毬應制

年光陌上發香輦禁中遊  
草綠鴛鴦殿花明翡翠樓  
寶杯承露酌仙管雜風流  
今日陪歡豫皇恩不可酬

折楊柳

二月風光半三邊戍不還年華妾自惜楊柳為君攀落  
絮紫衫袖垂楊拂髻鬟那堪音信斷流涕望陽關

邊愁

九月蓬根斷三邊草葉腓風塵馬變色霜雪劍生衣客  
思愁陰晚邊書驛騎歸殷勤鳳樓上還袂及春暉

婕妤怨

不分君恩斷新妝視鏡中容華尚春日嬌愛已秋風枕

席臨窓曉帷屏向月空  
年年後庭樹榮落在深宮

酬杜麟臺春思

春還上林苑花滿洛陽城  
鴛衾夜凝思龍鏡曉含情  
憶夢殘燈落離魂暗馬驚  
可憐朝與暮樓上獨盈盈

唐都尉山池

曲渚颺輕舟前谿釣晚流  
雁翻蒲葉起魚撥荇花游  
金子懸湘柚珠房折海榴  
幽尋惜未已清月半西樓

江樓夕望

試陟江樓望悠悠去國情楚山霞外斷漢水月中平公  
子留遺邑夫人有舊城蒼蒼烟霧裏何處是咸京

襄城卽事

子牟懷魏闕元凱滯襄城冠蓋仍為里池臺尚識名山  
光晴後綠江色晚來清借問東流水何時到玉京

秦州薛都督挽詞

十里絳山幽千年汾水流碑傳門客建劔是故人留隴  
樹煙含夕山門月照秋古來鐘鼎盛共盡一蒿丘

奉和春日幸望春宮

澹蕩春光滿曉空，逍遙御輦入離宮。  
山河眺望雲天外，臺榭參差烟霧中。  
庭際花飛錦繡合，枝間鳥囀管絃同。  
即此歡娛齊鎬宴，惟應率舞樂薰風。

奉和幸韋嗣立山莊侍宴應制

丞相登前府，尚書啓舊林。  
式閭明主睿，榮族聖嬪心。  
川狹旌門抵，巖高蔽帳臨。  
閒窓憑柳暗，小徑入松深。  
雲卷千峰色，泉和萬籟吟。  
蘭迎天女珮，竹礙侍臣簪。  
宸翰三

光燭朝榮四海欽還嗟絕機叟白首漢川陰

同李員外春閨

落日啼連夜孤燈坐徹明捲簾雙燕入披幌百花驚隴  
上寒應晚閨中織未成管絃愁不意梳洗懶無情去歲  
聞西伐今年送北征容顏離別盡流恨滿長城

襄陽早秋寄岑侍郎

江城秋氣早旭旦坐南闈落葉驚衰鬢清霜換旅衣時  
來矜早達事往覺前非體道徒推理防身終昧微故人



金華省肅穆秉天機誰念江漢廣蹉跎心事違

贈蘇少府赴任江南余時還京

大夫不歎別達士自安卑攬泣固無趣銜杯空爾為流  
雲春窈窕去水暮逶迤行舟忽東泛歸騎亦西馳秦地  
多芳草江潭有桂枝誰言阻遐澗所貴在相知

登總持寺閣

宿雨清龍界晨暉滿鳳城昇攀重閣迴憑覽四郊明井  
邑周秦地山河今古情紆餘一水合寥落五陵平處處

風烟起欣欣草木榮故人不可見冠蓋滿東京

早春邊城還歸

大漠羽書飛長城未解圍山川凌玉障旌節下金微路  
向南庭遠書因北雁稀鄉關搖別思風雪故戎衣歲盡  
仍為客春還尚未歸明年征騎返歌舞及芳菲

襄陽作

廟堂初解印郡邸忽腰章按節巡河右鳴騶入漢陽城  
臨南峴出樹繞北津長好學風猶扇誇才俗未望江山

距七澤烟雨接三湘蛟浦菱荷淨漁舟橘袖香醉中求  
習氏夢裏憶襄王宅壞仍思鳳碑存更憶羊下車慙政  
美閉閣幸時康多謝征南術于今尚不忘

喜入長安

雲日能催曉風光不惜年賴逢征客盡歸在落花前

鄭愔

字文靖  
滄州人

侍宴長寧公主東莊應制

公門襲漢瓌主第稱秦玉池架祥鱣序山吹鳴鳳曲拂

席蘿薜垂迴舟  
艾荷觸平陽  
妙舞處日暮清歌續

采蓮曲

錦紵沙棠艦  
羅帶石榴裙  
綠潭采艾荷  
清江日稍曛  
魚鳥爭唼喋  
花葉相芬氲  
不覺芳洲暮  
棹歌處處聞

夜遊曲

漢室歡娛盛  
魏國文雅道  
許史連朝集  
應陳從夜遊  
西園讌公子  
北里召王侯  
詎似將軍獵  
空嗟亭尉留

奉和幸上官昭容院獻詩四首

地軸樓居遠天台闕路賒何如遊帝宅即此對仙家座  
拂金壺電池搖玉酒霞無勞秦漢隔別訪武陵花

堯茨姑射近漢苑建章連十五莫知月三千桃紀年鸞  
歌隨鳳吹鶴舞向鷗弦更覓瓊妃伴來過玉女泉

宮掖賢才重山林高尚難不言辭輦地更有結廬歡池  
棟清溫燠巖窓起沍寒幽亭有仙桂聖主萬年看

槎流天上轉茅宇禁中開河鵠填橋至山熊避檻來庭  
花采菜蓐巖石步莓苔願奉輿圖泰長開錦翰裁

送金城公主適西蕃應制

下嫁戎庭遠和親漢禮優  
笳聲出虜塞簫曲背秦樓  
貴主悲黃鶴征人怨紫騮  
皇情眷億兆割念俯懷柔

奉和九月九日登慈恩寺浮圖應制

湧霄開寶塔倒影駐仙輿  
雁子乘堂處龍王起藏初  
秋風聖主曲佳氣史官書  
願獻重陽壽承歡萬歲餘

銅雀妓

日斜漳浦望風起鄴臺寒  
玉座平生晚金樽妓吹闌舞

餘依帳泣歌罷向陵看  
蕭索松風暮愁烟入井闌

胡笳曲

漢將留邊朔遙遙歲序深  
誰堪牧馬思正是胡笳吟曲  
斷關山月聲悲雨雪陰  
傳書問蘇武陵也獨何心

秋閨

征客向輪臺幽閨寂不開  
音書秋雁斷機杼夜蛩催  
虛幌風吹葉閒階露濕苔  
自憐愁思影常共月徘徊

人日重宴大明宮恩賜綵縷人勝應制

瓊殿含光映早輪，玉鸞嚴蹕望初晨。  
池開凍水仙宮麗，樹發寒花禁苑新。  
佳氣徘徊籠細網，殘雲淅瀝染輕塵。  
良時荷澤皆迎勝，窮谷晞陽猶未春。

奉和春日幸望春宮

晨蹕凌高轉翠旌，春樓望遠背朱城。  
忽排花上遊天苑，却坐雲邊看帝京。  
百草香心初冒蝶，千林嫩葉始藏鶯。  
幸同微藿傾陽早，願比盤根應候榮。

奉和幸三會寺應制



烏籀遺新閣龍旂訪古臺造書臣頡往觀跡帝羲來睿  
覽山川匝宸心宇宙該梵音隨駐輦天步接乘杯舊苑  
經寒露殘池問劫灰散花將捧日俱喜聖慈開

塞外三首

塞外蕭條望征人此路賒邊聲亂朔馬秋色引胡笳遙  
嶂侵歸日長城帶晚霞斷蓬飛古戍連雁聚寒沙海暗  
雲無葉山春雪作花丈夫期報主萬里獨辭家

荒壘三秋夕窮郊萬里平海陰凝獨樹日氣下連營戎

旆霜旋重邊裘夜更輕將軍猶轉戰都尉不成名折柳  
悲春曲吹笳斷夜聲明年漢使返須築受降城

陽鳥南飛夜陰山北地寒漢家征戍客年歲在樓蘭玉  
塞朔風起金河秋月團邊聲入鼓吹霜氣下旌竿海外  
歸書斷天涯旅鬢殘子卿猶奉使恒向節旄看

春怨

春朝物候妍愁婦鏡臺前風吹數蝶亂露洗百花鮮試  
出塞羅幌還來著錦筵曲中愁夜夜樓上別年年不及

隨蕭史高飛向紫烟

貶降至汝州廣城驛

近郊憑汝海遐服指江干尚憶趨朝貴方知失路難曙  
宮平樂遠秋澤廣城寒岼葦新花白山梨晚葉丹鄉關  
千里暮歲序四時開函塞雲間別旋門霧裏看夙年追  
駟驥暮節仰鷓鴣疲駕勞垂耳騫騰詎矯翰將調梅鉉  
實不正李園冠荆玉終無玷隨珠忽已彈曉裝違鞞洛  
夕亭在長安址上頻傷阮西征未學潘傾車無共轍同

派有殊瀾去去懷知己何由報一餐

哭郎著作

詩禮康成學文章賈誼才已年人得夢庚日鳥為災書  
草藏天閣琴聲入夜臺荒階羅駁蘚虛座網浮埃白馬  
賓徒散青烏隴隧開空憐門下客懷舊幾遲迴

郭元振

本傳云名振字元振魏州人

古劍篇

君不見昆吾鐵冶飛炎烟紅光紫氣俱赫然良工鍛鍊

凡幾年鑄得寶劍名龍泉龍泉顏色如霜雪良工咨嗟  
歎竒絕琉璃玉匣吐蓮花錯鏤金環映明月正逢天下  
無風塵幸得周防君子身精光黯黯青蛇色文章片片  
綠龜鱗非直結交遊俠子亦曾親近英雄人何言中路  
遭棄捐零落漂淪古獄邊雖復塵埋無所用猶能夜夜  
氣衝天

塞上

塞上虜塵飛頻年出武威死生隨玉劍辛苦向金微久

戍人將老長征馬不肥  
仍聞酒泉郡已合數重圍

寄劉校書

俗吏三年何足論  
每將榮辱在朝昏  
才微易向風塵老  
身賤難酬知己恩  
御苑殘鶯啼落日  
黃山細雨濕歸軒  
回首漢家丞相府  
昨來誰得掃重門

同徐員外除太子舍人寓直之作

太子擅元良  
宮臣命偉長  
除榮辭會府  
直宿總書坊  
露濕幽巖桂  
風吹便坐桑  
閣連雲一色  
池帶月重光  
葉死

蘭無氣荷枯水不香遙聞秋興作言是晉中郎

王昭君三首

自嫁單于國長銜漢掖悲容顏日憔悴有甚畫圖時  
厭踐冰霜域嗟為邊塞人思從漢南獵一見漢家塵  
聞有南河信傳言殺畫師始知君念重更肯惜蛾眉

春歌

青樓含日光綠池起風色贈子同心花殷勤此何極

秋歌

辟惡茱萸囊延年菊花酒與子結綢繆丹心此何有

冬歌

幃橫雙翡翠被卷兩鴛鴦婉態不自得宛轉君王牀

馬懷素

字惟臣  
潤州人

餞許州宋司馬赴任

潁川開郡邑角索分躔野君非重舉才誰是題輿者憫  
憫琴上鶴蕭蕭路傍馬巖程若可留別袂希再把

奉和九月九日登慈恩寺浮圖應制



季月重陽啓金輿陟寶坊御旂橫日道仙塔儼雲莊帝  
蹕千官從乾詞七曜光顧慚文墨職無以頌時康

奉和送金城公主適西蕃應制

帝子今何去重姻適異方離情愴宸掖別路遶關梁望  
絕園中柳悲纏陌上桑空餘願黃鶴東顧憶迴翔

餞唐州高使君赴任

外牧資賢守斯人奉帝俞淮南膺建隼渭北暫分符坐  
歎烟波隔行嗟物候殊何年昇美課迴看北城隅

奉和立春遊苑迎春應制

玄籥飛灰出洞房青郊迎氣肇初陽  
仙輿暫下宜春苑御醴行開薦壽觴  
映水輕苔猶隱綠緣隄弱柳未舒黃  
惟有裁花飾簪鬢恒隨聖藻狎年光

奉和聖製春日幸望春宮應制

綵龍瑤輿俯碧潯行春御氣發皇心  
搖風細柳紫馳道映日輕花出禁林  
通野園亭開帝幕連堤草樹狎衣簪  
謬參西掖霑堯酒願沐南薰解舜琴

奉和人日讌大明宮恩賜綵縷人勝應制

萬宇千門平旦開  
天容辰象列昭回  
三陽候節金為勝  
百福迎祥玉作杯  
就暖風光偏著柳  
辭寒雪影半藏梅  
何幸得參詞賦職  
自憐終乏馬卿才

奉和幸安樂公主山莊應制

主家臺沼勝平陽  
帝幸歡娛樂未央  
掩映瑤窗交極浦  
參差繡戶繞迴塘  
泉聲百處傳歌曲  
樹影千重對舞行  
聖酒一霑何以報  
惟欣頌德奉時康

興慶池侍宴應制

積水逶迤繞貝城，含虛皎鏡有餘清。  
圖雲曲榭連緹幕，映日中塘間綵旌。  
賞洽猶聞簫管沸，歡留更睹木蘭輕。  
無勞海上尋仙客，即有蓬萊在帝京。

餞唐永昌

聞君出宰洛陽隅，賓友稱觴餞路衢。  
別後相思在何處，祇應關下望仙鳧。

武平一

平一名甄以字行

妾薄命

有女妖且麗徘徊湘水湄  
水湄蘭杜芳採之將寄誰  
瓠犀發皓齒雙蛾顰翠眉  
紅臉如開蓮素膚若凝脂  
綽約多逸態輕盈不自持  
常矜絕代色復恃傾城姿  
子夫前入侍飛燕復當時  
正悅掌中舞寧哀團扇詩  
洛川昔云遇高唐今尚違  
幽閣禽雀噪間階草露滋  
流景一何速年華不可追  
解珮安所贈怨咽空自悲

奉和送金城公主適西蕃應制

鑿輿上碧天翠帟拖晴烟絕崿紆仙逕層巖敞御筵雲  
披丹鳳闕日下黑龍川更覩南薰奏流聲入管絃

奉和幸白鹿觀應制

玉府凌三曜金壇駐六龍綵旒懸倒景羽蓋偃喬松玄  
圃靈芝秀華池瑞液濃謬因沾舜渥長願奉堯封

奉和立春內出綵花樹應制

鑿輿青旂下帝臺東郊上苑望春來黃鶯未解林間囀  
紅藥先從殿裏開畫閣條風初變柳銀塘曲水半含苔

欣逢睿藻光韶律更促霞觴畏景催

興慶池侍宴應制

鑿輿羽駕直城隈帳殿旌門此地開皎潔靈潭圖日月  
參差畫舸結樓臺波搖岼影隨橈轉風送荷香入酒來  
願奉聖情歡不極長遊雲漢幾昭回

奉和幸韋嗣立山莊侍宴應制

三光迴斗極萬騎肅鈎陳地若遊汾水畋疑歷渭濱圓  
塘水寫鏡遙樹露成春絃奏魚聽曲機忘鳥狎人築巖

思感夢礎石想垂綸落景搖紅壁層陰結翠筠素風紛  
可尚玄澤藹無垠薄暮清笳動天文煥紫宸

奉和幸新豐溫泉宮應制

秦王登碣石周后襲昆侖何必在遐遠方稱萬寓尊我  
皇順時豫星駕動軒轅雄戟交馳道清笳度國門迴輿  
長樂觀校獵上林園行漏移三象連營總八屯旌搖鸚  
鵡谷騎轉鳳皇原絕壁蒼苔古靈泉碧溜溫參差開水  
殿窈窕敞巖軒豐邑模猶在驪宮迹尚存烟松銜翠幄



雪逕遶花源侍從推玄草文章召虎賁深仁浹夷夏洪  
造溢乾坤謬忝王枚列多慚雨露恩

遊涇川琴谿

環潭澄曉色疊嶂照秋影幽致欣所逢紛慮自茲屏

夜宴安樂公主宅

王孫帝女下仙臺金榜珠簾入夜開遽惜瓊筵歡正洽  
惟愁銀箭曉相催

宗楚客

字叔敖  
河東人

奉和人日清暉閣宴羣臣遇雪應制

窈窕神仙閣參差雲漢間九重中禁啓七日早春還太  
液天為水蓬萊雪作山今朝上林樹無處不堪攀

正月晦日侍宴滙水應制賦得長字

御輦出明光乘流泛羽觴珠胎隨月減玉漏與年長寒  
盡梅猶白風遲柳未黃日斜旌騎轉休氣展林塘

安樂公主移入新宅侍宴應制

星橋他日創仙榜此時開馬向鋪錢埒簫聞弄玉臺人

同衛叔美容是長卿才借問遊天漢誰能取石迴

奉和幸安樂公主山莊應制

玉樓銀榜枕巖城翠蓋紅旂列禁營日映層巖圖畫色  
風搖雜樹管絃聲水邊重閣含飛動雲裏孤峯類削成  
幸覩八龍遊閬苑無勞萬里訪蓬瀛

奉和聖製喜雪應制

飄飄瑞雪下山川散漫輕飛集九埏似絮還飛垂柳陌  
如花更繞落梅前影隨明月團紈扇聲將流水雜鳴絃

共荷神功萬庾積終朝聖壽百千年

奉和幸上陽宮侍宴應制

紫庭金鳳闕丹禁玉雞川似立蓬瀛上疑遊崑閬前  
鳥將歌合轉花共錦爭鮮湛露飛堯酒薰風入舜絃  
水光搖落日樹色帶晴烟向夕迴瑤輦佳氣滿巖泉

闕朝隱

字友倩  
趙州人

明月歌

梅花雪白柳葉黃雲霧四起月蒼蒼  
箭水泠泠刻漏長

揮玉指拂羅裳為君一奏楚明光

采蓮女

采蓮女采蓮舟春日春江碧水流蓮衣承玉釧蓮刺罥  
銀鈎薄暮斂容歌一曲氛氳香氣滿汀洲

三日曲水侍宴應制

三月重三日千春續萬春聖澤如東海天文似北辰荷  
葉珠盤淨蓮花寶蓋新陛下制萬國臣作水心人

奉和送金城公主適西蕃應制

甥舅重親地君臣厚義鄉還將貴公主嫁與耨檀王  
薄山川濶琵琶道路長迴瞻父母國日出在東方

奉和立春遊苑迎春應制

管籥周移震極裏乘輿望幸斗城闈草根未結青絲縷  
蘿萋猶垂綠帔巾鵲入巢中言改歲燕銜書上道宜新  
願得長繩繫取日光臨天子萬年春

夜宴安樂公主新宅

鳳凰鳴舞樂昌年蠟炬開花夜管絃半酣徐擊珊瑚樹

已聞鐘漏曉聲傳

石倉歷代詩選卷二十五